

Headline	Penulis buku ilmiah dihargai		
MediaTitle	Berita Harian		
Date	29 May 2014	Color	Full Color
Section	Supplement	Circulation	314,000
Page No	5	Readership	942,000
Language	Malay	ArticleSize	508 cm²
Journalist	Siti Haliza Yusop	AdValue	RM 17,444
Frequency	Daily	PR Value	RM 52,332



Penulis buku ilmiah dihargai

Oleh Siti Haliza Yusop
shyusop@bh.com.my

P enganjuran Anugerah Majlis Penerbitan Ilmiah Malaysia - Kementerian Pendidikan Malaysia 2013 (MAPIM-KPM 2013) yang memasuki tahun ketujuh, membuktikan sumbangan besar penulis buku ilmiah khususnya ahli akademik di negara ini, tidak dipinggirkan.

Hakikat pengiktirafan diterima tidak serancak penulis buku popular, ia pastinya tidak mematahkan semangat pengarang untuk terus berkongsi ilmu dengan masyarakat melalui penulisan.

Ketua Pengarah Pendidikan Tinggi merangkap Pengerusi Lembaga MAPIM, Prof Datuk Dr Morsidi Sirat berkata, kerja keras khususnya dalam konteks keintelektualan dalam menghasilkan naskhah ilmiah, perlu diiktiraf melalui penganugerahan khususnya Anugerah MAPIM-KPM 2013.

"Budaya membaca bahan ilmiah dalam kalangan masyarakat masih rendah, namun ia tidak mematahkan semangat mereka untuk terus tampil dengan karya berilmu dan menarik."

"Sikap yang tidak memen-

» Anugerah MAPIM-KPM bukti ahli akademik tidak dipinggirkan

tingkan keuntungan semata-mata membawa pengarang merasai dunia ilmu yang penuh keasyikan yang kemudian dapat dikongsi bersama masyarakat sejagat," katanya pada Anugerah MAPIM-KPM 2013 di Universiti Putra Malaysia (UPM), Serdang, baru-baru ini.

Buku terbaik bahasa Melayu
Buku *Hutan Hujan Tropika Semenanjung Malaysia* terbitan Dewan Bahasa dan Pustaka (DBP) mengungguli Kategori Anugerah Buku Terbaik untuk bidang Sains, Teknologi dan Perubatan, sekali gus melayakkan penulisnya, Khairuddin Kamaruddin membawa pulang wang tunai RM15,000, trofi dan sijil penghargaan.

Khairuddin yang berkhidmat sebagai Penolong Pegawai Penyelidik di Institut Penyelidikan Perhutanan Malaysia (FRIM),



P. Kamalanathan beramah mesra bersama penerima anugerah pada Majlis Anugerah MAPIM-KPM 2013 di Dewan Banquet, Universiti Putra Malaysia.

[FOTO SAIRIEN NAFIS/BH]

menghimpunkan fakta terkini mengenai hutan hujan tropika di Semenanjung Malaysia.

Naskhah yang disokong persembahan dan ilustrasi mantap itu bukan saja sesuai menjadi bacaan awam serta peringkat sekolah, malah boleh dijadikan rujukan pada peringkat universiti.

DBP turut memenangi Anugerah Editor Naskhah Terbaik bagi bidang Kemanusiaan dan Sains Sosial melalui buku *Konflik Politik Perkauman: Strategi dan Penyelesaian Cara Malaysia* yang ditulis Rozidawati Awang, Siti Nur Haslinda Mohd Daud, Chi Chin Yap, Mohammad Haizuddin Jumali dan Zalita Zainuddin, iaitu *Struktur dan Sifat Optik Filem Nipis Nanozarah ZnO Terdop Ga* pula terpilih bagi bidang sains, teknologi dan perubatan.

Penyampaian Anugerah MAPIM-KPM 2013 disempurnakan Timbalan Menteri Pendidikan II, P. Kamalanathan pada majlis yang turut dihadiri Naib Canselor UPM, Datuk Dr Mohd Fauzi Ramli dan Timbalan Naib Canselor UPM, Prof Dr Mohd Azmi Mohd Lila.

"Budaya membaca bahan ilmiah dalam kalangan masyarakat masih rendah, namun ia tidak mematahkan semangat mereka untuk terus tampil dengan karya berilmu dan menarik"

Prof Datuk Dr Morsidi Sirat,
Pengerusi Lembaga MAPIM

GIST(ENGLISH)

N/A